
Saksnr: 2020/77154-122
Saksbehandlar: Lotte Karoline Lynngård

Saksgang

Utval	Utv.saksnr.	Møtedato
Valnemnda		28.09.2021
Fylkestinget		29.09.2021

Oppnevning av representantar til brukarutvalet på HDS

Forslag til innstilling

Fylkestinget gjer slikt val av representant og vararepresentant til brukarutvalet ved Haraldsplass Diakonale Sjukehus:

Samandrag

Haraldsplass Diakonale Sjukehus (HDS) ønsker medverknad frå brukarar av deira tenester gjennom dialog og kunnskapsoverføring. I det samband ønsker HDS at fylkeseldrerådet nemner opp ein representant og ein vararepresentant til sjukehuset sitt brukarutval for pasientar og pårørande for perioden 2022-2024. Etersom fylkestinget har mynde til val av representantar vert saka lagt fram der.

Rune Haugsdal
fylkeskommunedirektør

Ingrid Kristine Holm Svendsen
avdelingsdirektør

Saksframlegget er godkjent elektronisk og har difor inga handskriven underskrift

Vedlegg

- 1 Oppnevning av representanter til brukarutvalget på HDS - for perioden 2022 - 2024
- 2 Til Fylkeseldrerådet_ Oppnevning av representanter til brukarutvalget på HDS
- 3 Retningslinjen for brukarutvalget HDS
- 4 Vedlegg - tilråding frå fylkeseldrerådet omo representantar til brukarutvalet ved HDS

Saksutgreiing

Bakgrunn for saka

Etter forslag frå organisasjonane, skal Haraldsplass Diakonale Sjukehus (HDS) nemne opp medlemar til brukarutval for pasientar og pårørande for perioden 2022-2024 på styremøtet 6. desember 2021. Organisasjonane må difor sende inn innstilling til forslag innan 12. november 2021.

I brevet står det mellom anna:

«Haraldsplass Diakonale Sjukehus (HDS) ønsker medvirkning fra brukere av våre tjenester. Dette skal skje gjennom dialog og kunnskapsoverføring. Brukernes behov står sentralt i all kvalitetsutvikling ved sykehuset, og dette er bakgrunnen for at vi legger vekt på brukermedvirkning gjennom et brukerutvalg for pasienter og pårørende.»

HDS har sendt ein førespurnad til fylkeseldrerådet om dei vil nemne opp ein representant og ein vararepresentant til å delta i brukarutvalet. Førespurnaden er adressert til fylkeseldrerådet i Hordaland, men det er bekrefta frå HDS at førespurnaden er til fylkeseldrerådet i Vestland.

Det er likevel fylkestinget som må nemne opp representantar jf. reglement for fylkestinget oppgåver punkt 2.4.6 Val av representantar til styrande organ i selskap, stiftingar, institusjonar o.l., jf. likevel reglement for fylkesutvalet pkt. 2.1.5. Saka vert difor lagt fram for valnemnda og fylkestinget.

Vedlagt er nærare om retningslinjer, mellom anna at representantane ikkje kan vere medlem av andre brukarutval i Helse Vest. Det er òg viktig med omsyn til kjønnsbalanse, alderssamansetting, geografi, etnisk minoritet og at mindre synlege pasientgrupper vert ivareteken. For å kunne ivareta ønske om fornying og kontinuitet bør ein representant som hovudregel ikkje sitte meir enn i tre periodar samanhengande. Vedlegget viser òg detaljert om prinsipp for brukarmedverknad og korleis ein jobbar i utvalet.

Frå brevet går det fram at brukarutvalet har følgjande medlemssamansetting:

«Brukerutvalget skal ha 8 medlemmer med varamedlemmer som skal oppnevnes for 2 år om gangen av sykehusstyret. Funksjonsperioden skal gå fra januar til januar 2 år etter. For å få kontinuitet i brukerutvalget, oppnevnes representanter fra FFO og SAFO et år, mens representanter fra Fylkeseldrerådet, Kreftforeningen og Nasjonalforeningen for folkehelse oppnevnes året etter.

Styret ved HDS oppnevner medlemmer til brukerutvalget, inkludert leder og nestleder, etter innstilling fra administrerende direktør, på grunnlag av innsendte forslag fra pasientorganisasjonene.

FFO - 3 representanter + nummererte vararepresentanter
SAFO - 2 representanter + nummererte vararepresentanter
Fylkeseldrerådet i Hordaland - 1 representant + 1 vararepresentant
Kreftforeningen - 1 representant + 1 varerepresentant
Nasjonalforeningen for folkehelse - 1 representant + 1 vararepresentant»

Representant og vara frå fylkeseldrerådet (Hordaland) i noverande periode er Gunda Falao Sparre og Odd Himle.

Vedtakskompetanse

Fylkestinget vel representantar jf. reglement for fylkestinget oppgåver punkt 2.4.6 Val av representantar til styrande organ i selskap, stiftingar, institusjonar o.l., jf. likevel reglement for fylkesutvalet pkt. 2.1.5.

Vurderingar og verknader

Økonomi: Ikkje relevant

Klima: Ikkje relevant

Folkehelse: Ikkje relevant

Utviklingsplan for Vestland 2020-2024 (Regional planstrategi): Ikkje relevant

Konklusjon

Fylkestinget vel representant og vararepresentant til brukarutvalet ved HDS.